

# SENTIMIENTO MIXTO DI PPA TA PERSISTI

ORANJESTAD(AAN) — tido Patriotico Arubano haya di sumo importancia  
Den un comunicado, Par- ta trece dilanti cu e ta pa awor. cu den Tweede

Kamer na Hulanda e cambionan den Statuut y Ley di reino a haya aprobacion pa duna informacion necesario na e pueblo.

E comunicado di PPA ta bisa cu por corda con tanto MEP como AVP a regresa Aruba na aña 1983 despues di e Conferencia di Mesa Redonda y tabata lucha entre otro pa ta e tata di Status Aparte.

Na e ocasion ey, Partido Patriotico Arubano a duna di comprende claramente cu e logro di e conferencia, a wordo acepta cu sentimentonan mixto pa PPA, cu a muestra tambe cu loke tabata molestia e partido tabata e hecho cu articulo dos di e ley di Reino no ta duna lugar amplio pa tene un evaluacion pa por fija fecha di independencia.

Cu mes sentimiento mixto, representante di PPA, Benny Nisbet, a mira con Parlamento Hulandes a aproba e decision no pa Aruba haya un Status Aparte, pero pa na aña 1996 sin mas Aruba bira independiente, y promer cu esey Aruba tin diez aña di tempo pa prepara su mes pa su independencia.

Esey ta encera pues cu Aruba ta haya su Status Aparte, pero e fecha di Status Aparte no ta conoci ainda. E fecha aki lo wordo determina mediante un decreto Real cu ta pendiente di diferente asunto ariba cual Parlamento Hulandes kier haya mas informacion y aclaracion promer cu nan por duna nan aprobacion.

Pa tranquilisa e sentimentonan, segun PPA, a wordo priminti cu tur loke ta posible lo

wordo haci pa alcanza e fecha tentativo, esta Promer di Januari 1986. No tin ningun garantia, sinembargo cu e fecha ey Status Aparte lo drenta na vigor.

Tumando na consideracion e loke a tuma lugar na Hulanda, segun PPA, e comunidad Arubano mester cuminsa prepara su mes pa e consecuencianan cu ta bini manera nacionalidad, pasaporte, defensa y tur e otro aspectonan ey.

PPA ta convenci cu rumbo di e situacion aki ta debi na e hecho cu e lider di e delegacion y Presidente di e partido mayoritario di Aruba, Betico Croes, a demostra di ta bende su alma si ta posible pa poder politico, como cu ningun momento a demostra di ta e politico cu hendenan ta kere di dje, y a sali defende e asunto aki y laga e delegacion perde e debatenan den parlamento Hulandes cu honor, sino a entrega sin mas. Segun PPA, di deliberacion, Betico Croes no a siña nada.

Prueba ta cu atrobe historia a demostra cu Aruba a produci solamente un politico estadista, y esey ta Juancho Enrique Irausquin. y PPA ta conveni cu Betico Croes a desespera y enbez di busca consejo a bay e banda robéz. Aki diez aña esnan cu ainda ta riba Aruba no tin ningun opcion, gracias na e desesperacion di lider di MEP, kende segun PPA, mescos cu su partido ta hincando Aruba den decadencia.

Segun PPA, aki ta unda cu e orguyo di un politico a prevalece ariba interes general di e pueblo Arubano, ora cu e amienda a wordo hala atras y nomber di justamente e dosnan di MEP a wordo kita for di e amienda.

PPA ta bisa cu tur hende kier un Status Aparte pa Aruba, pero lamenta-

Sigui lesa pag. 12

## SENTIMIENTO Cont di pag. 7

blemente Lago a cera a pesar cu 300 millon a wordo malgasta y cu comunidad Arubano ta sufriendo e consecuencianan di esaki, sabiendo cu di 1985 padilanti Aruba lo tin 12 mil hende sin trabao, Betico Croes a prefera pa su orguyo personal prevalece, aceptando sin mas condicion di Hulanda. PPA a bisa cu no solamente el a permiti pa nos a haya e Status Aparte, cu ta deseo di uno y tur ariba nos isla, pero e mas tristo ta, cu el a permiti Hulandesnan impone ariba nos un fecha di independencia cu nunca e pueblo aki a expresa su mes di dje ainda. No tin ningun posibilidad pa sali afor tampoco.

E unico salvacion lo ta

segun PPA, si e ley aki unda e fecha di Independencia ta e factor importante, y no Status Aparte, wordo rechaza pa Parlamento Arubano.

Esaki pues no ta laga lugar pa grita cu porfin nos por canta gloria. Esaki no ta señal pa ningun celebracion, como cu cualquier celebracion mester wordo considera como mentira na pueblo.

Den esaki PPA no ta participa, segun comunicado di e partido, cu ta termina bisando cu na regreso di Presidente di PPA, señor Benny Nisbet, kende ta forma parti di e delegacion di Parlamento Antillano na Hulanda, lo tene un rueda di prensa pa asina duna informenan cu tur claridad.